



Tillie Martinussen
Suleqatigiissitsisut
/ Maani

Asasara Tillie Martinussen

Imm. 28-ip Issittup Imartaani aalisarneq pillugu isumaqatigiissummik atuutsitsi-lernermut tunngasup siullermeerneqarnerani 2019-imi marsip ulluisa 29-anni apeqqutinnut qujanaq.

Issittup Imartaata qeqqani aalisarneq pillugu isumaqatigiissummut, Kalaallit Nunaata pimoorussilluni isumaqatiginninnutigisimasaanut tunngatillugu nersualaa-rutinnut qujanaq. Isumaqatigiissut qularnanngitsumik nunani tamalaani Issittoq pillugu siunissami nunallu tamalaat imartaanni allani suleqatigiinnissamut pingaa-ruteqartuussaaq.

Apeqqutinut saqqummiunneqartunut tunngatillugu tullinguutnik oqaaseqaatis-saqarpunga:

1-imut) Uagut sinnerluta kikkut sumiiffimmik nakkutilliissappat?

Aalisarneq pillugu isumaqatigiissut Issittup Imartaanut tassa nunat tamalaat imartaanut (Issittup Imartaa) atuuppoq. Imartaq Issittumi naalagaaffinnut tallimanut Issittup Imartaani EEZ-inut killeqarfearpoq.

Kalaallit Nunaata EEZ-ani aalisarnerup nakkutiginissaanik Issittumi Sakkutooqarfik akisussaaffeqarpoq.

Nunat tamalaat imartaanni tassa Kalaallit Nunaata EEZ-ata avataani aalisarnermik nakkutilliineq danskit aalisarnermik nakkutilliinerannit isumagineqassaaq.

Kalaallit Nunaata EEZ-ata avannaani imartaq Issittup Imartaanut killeqarfilik si-kuuvoq. Kalaallit Nunaata avannaani imartaq Issittup Imartaanut ilaasoq siunissami kingulliulluni sikuerumaartussaasoq silap pissusaata takutippaa. Imartaq Cana-damiit, Ruslandimiit Alaskamiillu tikeqvarneqarsinnaassaaq. Taamaattumik siu-nissami qaninnerusumi imartami danskit umiarsuarnik alapernaarsuutaannit aali-sarnerup nakkutiginissaa allatigulluunniit nakkutilliinissap pisariaqarnissaa ilima-nanngilaq.

2-mut) Sunik immikkut aningaasartuutaajumaartussanik kinguneqassava?

Ulloq: 04-04-2019
Suliap nr.: 2019 - 295
Akt. nr.: 10447632

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Kalaallit Nunaannut immikkut aningaasartuutaajumaartussanik peqassanngilaq, imartap isumaqatigiissuteqarfigisassap EEZ-qarfitta avataani inisisimanera pisutigalugu. Taamaalilluni Issittup Imartaani nakkutilliinissamut aningaasartuutit kalaallit aningaasanut inatsisaanni ilaassanngillat.

3-mut) Suut pilersaarutaappat?

Isumaqtigiiissut siunissami nunap immikkoortortaani aalisarnikkut aqtsinissamut kattuffimmik, ilisimatusarnermik tunngaveqartumik aalisakkanik pisassiisutissanik aammalu sikup annikilliartorsimanera eqqarsaatigalugu imartami aalisakkanik aalisarneqarsinnaasunik peqaratarsinnaanissaanut aalisarnermut malittarisassanik aalajangersaasumik pilersitsinissamut tulleriaartumik suliaqarfiussaaq.

Isumaqtigiiissut manna atsiorneqareermat isumaqtigiiissummut peqataasut isumaqtigiiissummik atortussanngortitsinissaat utaqqineqarpoq.

Taamaattoq isumaqtigiiissutip atortuulersinnissaanut oqaloqatigiinnerit 2019-imi aallartissasut isumaqtigiiissuteqarfigisat akornanni isumaqtigiiissutigineqarpoq. Taamaalilluni isumaqtigiiissutip atsiorneqareernerani Naalakkersuisoqatigiit ataatsimiinnerat siulleq maajimi Canadami Ottawami ingerlanneqassaaq.

Isumaqtigiiissut isumaqtigiiissuteqarfigisami ilisimatusarnissamut nakkutilliinisamullu ataatsimut pilersaarummik ‘Joint Program of Scientific Research and Monitoring’ pilersitsinissamik imaqrpoq. Maajimi ataatsimiinnermi isumaqtigiiissuteqartut ilaatigut ilisimatuussutsikkut pilersaarut matumunngalu najoqqutasat pillugit oqallinnerit aallartissavaat.

2011-mili Naalakkersuisut akornanni isumaqtiginninniarnerit ingerlanneqarneranni ilisimatusarnermik suliat ingerlanneqarsimapput. Nunani tamalaani tallimani ilisimatuussutsikkut ataatsimiinnerit tallimat FiSCAO-mik taallugit ingerlanneqarsimapput (scientific experts on fish Stocks in the central Arctic Ocean), matumanilu issittup imartaani uumassusillit ataqtiginneri pillugit ilisimasat oqaluuserineqarsimapput. FiSCAO-mi sulianut nalunaarusiat naalakkersuisut akornanni isumaqtiginninniarnernut atorneqarsimapput, taakkualu FiSCAO-mi sulinermi najoqqutarineqarsimallutik.

Isumaqtigiiissummik atuutsitsilernermi isumaqtigiiissuteqarfigisanik ataatsimeeqateqarnermi Kalaallit Nunaat APNN-ikkut Kunngeqarfiup aallartitaatut isumaqtiginninniartartutut aqutsisuuinnarpoq.

4-mut) Ataatsimoorluni ilisimatusarneq qilorsorfissarput qanoq suliarineqassava?

Aamma sumi ilisimatusarneq inisisimassava suliarineqarlunilu kiisalu aamma nunap inoqqaavisa aamma najukkami najugaqartut ilisimasaanut tunngasortaa?

Issittup Imartaani umiarsuarnik alapernaarsuisarnissamik Kalaallit Nunaat pisus-saaffeqanngilaq.

Ilisimatusarnermut tunngatillugu suleqatigiinnermi tapersiiffigisinnaasatsinnut peqataasarnissamik Kunngeqarfik isumaqatigiissutitigut pisussaaffilerpoq. Tammalu Danmarkimit, Savalimmunit aamma/imaluunniit Kalaallit Nunaannit ilisimatuut isumaqatigiissummi ilisimatusarnermut tunngatillugu pilersaarut malillugu FiSCAO-mi ataatsimiinnernut siunissamilu ataatsimiinnernut peqataanerisigut erserumaarpoq. Isumaqatigiissummik isumaqatiginninniarnermi Kunngeqarfip nunat tamalaat imartaanni ilisimatusarnermut isumalluutit killeqarneri pillugit isummani arlaleriarluni erseqqissarsimavai. Tamanna suleqatigisanit tu-saatissatut tiguneqarsimavoq aamma siunissami umiarsuarnit ilisimatusartoqassappat taakkununnga aningaasanik tapersiinissatsinnut isumaqatigiissut uagutsin-nut pisussaaffiliinngilaq.

Isumaqatigiissummi siunissami ilisimatusarnissamut pilersaarut isumaqatigiissuteqartunit maanna isumaqatiginninniutigineqassaaq. Ilisimatusarneq qanoq sulia-rineqassanersoq sumilu inissismassanersoq pillugit suli aalajangjisoqanngilaq.

Isumaqatigiissuteqartut akornanni ataatsimiinnissani ilaatigut ilisimatuussutsik-kut ilisimatusarnermut nakkutilliinissamullu ataatsimut pilersaarummut missi-ngiusiornissamut isumaliuutersuutit, tassunga ilanngullugit paasissutissanik avi-tseqatigiittarnermut allattorsimaffimmik tassungalu attuumassutillit kiisalu FiSCAO-mi ataatsimiinnernut piumasaqaatit oqallisigineqassapput.

Issitumi nunap inoqqaavisa immami uumasoqatigiaanik immikkut ilisimasaqar-nerat isumaqatigiissummi akuersarneqarpoq. Taamaalilluni siunissami ilisima-sassarsiornikkut suleqatigiinnermut inuit inoqqaat ilisimasaasa ilaatinissaat pi-nagaruteqartorujussuussaaq.

5-imut) Kattuffiit, peqatigiit il.il. sorliit akuutinnejarniarpat?

Kalaallit Nunaannit Pinngortitaleriffik FiSCAO-mi suleqatigiinnermut peqataa-voq.

Kalaallit aallartitaanni Kalaallit Nunaanni ICC Naalakkersuisut akornanni isuma-qatiginninniarnernut tamanut peqataasimavoq. Kalaallit Nunaanni ICC-p naalak-kersuisut ataatsimiinnerinut FiSCAO-milu sulinermut peqataanissaanut suli qaaq-quneqartassaaq.

Nunani tamalaani nunap immikkoortuini kattuffiit soorlu NAFO, NEAFC, ICES, PICES, ICC il.il. FiSCAO-mi ilisimatuussutsikkullu pilersaarummi peqataanis-samut qaaqquneqassapput.

Inussiarnersumik inuulluaqqusillunga

Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq